



Adresseinformasjon fylles inn ved ekspedering.
Se mottakerliste nedenfor.

Dato: 04.09.2020
Vår ref: 15/01839-26
Deres ref:

Tildeling av driftskonsesjon etter mineralloven for Andenes masseuttak i Gloppen kommune. Tiltakshavar: Helge Olav Nedrebø (Enkeltpersonforetak).

Ladebekken 50
Postboks 3021 Lade
N-7441 Trondheim

TELEFON + 47 73 90 46 00
E-POST post@dirmin.no
WEB www.dirmin.no

GIRO 7694.05.05883
SWIFT DNBANOKK
IBAN NO5376940505883
ORG.NR. NO 974 760 282

SVALBARDKONTOR
TELEFON +47 79 02 12 92

1. Tildeling av driftskonsesjon

Direktoratet for mineralforvaltning med Bergmeisteren for Svalbard (DMF) viser til søknaden om driftskonsesjon datert 3. november 2015 frå Helge Olav Nedrebø (enkeltpersonforetak), org. nr. 979 354 738, heretter kalla «Tiltakshavar» eller «Tiltakshavaren». Tiltakshavar får med dette driftskonsesjon etter minerallova § 43.

Tiltakshavaren får driftskonsesjon for uttak av fast fjell i Andenes masseuttak på del av gbnr. 55/2 i Gloppen kommune. Mineralførekomsten høyrer til kategorien mineral som grunneigaren eig.

Konsesjonsområdet har eit areal på kring 32 daa og går fram av kart med namn «konsesjonsområde Andenes masseuttak i Gloppen kommune», datert 10. mars 2020, vedlegg 5. Etter reguleringsplan for masseuttak på Vereide, korrigert 26. november 2007, er området regulert til masseuttak.

DMF gjer merksam på at ein driftskonsesjon gjeven etter minerallova ikkje erstattar krav om løyve, godkjenning, arealplan eller konsesjon etter anna lovgeving.

2. Vilkår for driftskonsesjonen

Konsesjonen blir gjeven på desse vilkåra:

2.1. Driftsplan

Drifta skal til ei kvar tid gå føre seg i samsvar med ein driftsplan godkjend av DMF.

Dersom Tiltakshavaren ønskjer å gjere vesentlege avvik frå driftsplanen, skal DMF godkjenne dette på førehand.

DMF kan krevje ny oppmåling og at ajourførte kart og profilar skal sendast inn når DMF finn det nødvendig.

2.2. Økonomisk sikkerheit

Tiltakshavaren blir pålagt å stille økonomisk sikkerheit med NOK 700 000, som skildra i punkt 5.11 av vedtaket, for å sikre at nødvendige sikrings- og oppryddingstiltak blir gjennomførte etter minerallova §§ 49 og 50, jf. minerallova § 51.

Den økonomiske sikkerheita skal stillast i form av ein bankgaranti for eit grunnbeløp på NOK 300 000, og deretter årlege avsetjingar til ein bankkonto som det skal etablerast



pant i til fordel for DMF slik at Tiltakshavaren ikkje kan råde over kontoen på noko vis, begge deler som skildra i punkt 5.11.

Innan 2 månader etter datoen på dette konsesjonsvedtaket skal Tiltakshavaren ha:

- (i) inngått ein avtale om finansiell sikkerheit med DMF, vedlegg 1;
- (ii) lagt fram påkravsgaranti frå bank som DMF vurderer som tilfredsstillande, vedlegg 3;
- (iii) etablert pantet til fordel for DMF, jf. pantelova §§ 4-4 til 4-6, vedlegg 2.

2.3. Bergteknisk ansvarleg

Det skal utan grunnlaust opphald sendast skriftleg melding til DMF om alle skifte av bergteknisk ansvarleg for eit uttak.

2.4. Øvrige vilkår

Innan 2 månader etter at konsesjonsvedtaket er truffet, skal konsesjonsgrensen for massetaket settes ut eller markeres i terrenget, slik at den er lett synleg gjennom heile driftsperioden.

3. Godkjenning av driftsplan

DMF godkjenner driftsplanen for Andenes masseuttak. Den godkjende versjonen av driftsplanen ligg ved dette konsesjonsvedtaket.

4. Høyring

Søknaden om driftskonsesjon har vore på høyring, jf. forvaltningslova § 17, hos desse høyringsinstansane: Gloppen kommune, Statens vegvesen, Fylkesmannen i Vestland, Norges vassdrags- og energidirektorat, Statnett SF, Vestland fylkeskommune og andre høyringsinstanser slik det fremgår av adresselista til høyringsbrevet og adresselista til dette vedtaksbrevet.

Høringsperioden var frå 19. mai til 30. juni 2020.

Frå høyringsfråsegnene har DMF særleg merkt seg dette:

Gloppen kommune:

Kommunen har i sin uttale vist til at:

«Vi er usikre på om reguleringsføresegnene pkt. 4.1.1 og 4.1.3 er følgt opp i tilstrekkeleg grad. Driftsetapper er vist, men etappevis attendeføring til landbruks-/naturområde synest å vere lite belyst i vedlegg til søknaden. Når det gjeld ureining er det gitt klare føringar knytt til plassering av steinknuser for å avgrense plage for omgjevnadene, og dette burde kanskje også framgå tydelegare av vedlegg til søknaden. Vi registrerer også at buffersona ikkje er følgt opp i samsvar med reguleringsføresegnene pkt. 4.2.»

DMF sine kommentarer:

DMF forutsetter at tiltakshavar setter seg inn i de gjeldande reguleringsføresegnene og at desse følges. Det vises også til at konsesjonsområdet er innenfor området i reguleringsplanen avsatt til masseuttak, og således innenfor buffersona. DMF ønsker vidare å merke at ein tillating etter minerallova, herunder driftskonsesjon, ikkje erstattar krav om andre løyve, godkjenning, arealavklaring eller konsesjon etter anna lovgiving.




Statens vegvesen:

Vegvesenet har i sin uttale vist til at:

«Andenes masseuttak, g/bnr. 55/2 i Gloppen kommune, har tilkomst til E39 via samleveg (SV). Før det vert gjeve driftskonsesjon må det dokumenterast at krysset mellom SV x E39 er i samsvar med gjeldande krav i vår handbok N100. E39 forbi staden er i dimensjoneringsklasse Hø. Krysset SV x E39 skal stette krava til kurvatur, samt siktlinjer og siktsoner for denne klassen. Sporingkurve vogntog, køyremåte A, er dimensjonerande for utforming av radius mellom E39 og samleveg.

Før eventuelt arbeid med utbetring av krysset startar skal det ligge føre gjennomføringsavtale, som regulerer fordeling mellom ansvar og oppgåver mellom tiltakshavar og Statens vegvesen.»

Kjøremåte A




Figur E.8: Kjøremåte A


N100 side 98:
Dimensjonerande køyremåte

Ved kjøremåte A forutsettes følgende når det gjelder dimensjonerende kjøretøy:

- kjøretøyet skal kunne trafikere veg-/gateanlegget kun ved bruk av eget kjørefelt. Dette betyr at hele kjøretøyet, inklusiv overheng, skal kunne bevege seg innenfor sitt eget kjørefelt
- på vegar og gater utenom krysset skal disse strøkingene kunne trafikeres med en fart tilsvarende fartsgrensen
- i krysset skal kjøretøyet kunne kjøre gjennom krysset med en fart på 15 km/t
- i slyng skal kjøretøyet kunne kjøre med en fart på 15 km/t
- kjøretøyet skal ikke behøve å rygge på snuplasser



N100 side 97:
Dimensjonerande kjøretøy



N100 side 108:
Sporingskurve vogntog

[Sporingskurve vogntog \(.dwg\)](#)

Vi viser ellers til føresegner i gjeldande reguleringsplan og føreset at Gloppen kommune føl opp at desse vert gjennomført ved etablering og drift av massetaket.

Ut over dette har vi ikkje merknader til høyringa.

DMF sine kommentarer:

Vi har merka oss innspillet om at det må dokumenteres at krysset mellom SV x E39 er i samsvar med gjeldande krav i vegvesenet sin handbok N100. Om dette visar DMF til at vi forutset at tiltakshavar setter seg inn i og følgjer handboken. Vi forutset vidare at tiltakshavar etterlever de øvrige kommentarene til Vegvesenet, og oppfordrer tiltakshavar til å opprette dialog med Vegvesenet og Fylkeskommunen.

Fylkesmannen i Vestland:

Fylkesmannen har i sin uttale vist til at:

«Ingen registrerte spesielle naturverdiar i planområdet

Fylkesmannen kan ikkje sjå at det er spesielle verdiar eller kvalitetar knytt til planområdet, og har slik sett ikkje noko spesielt å gjere merknad om når det gjeld naturmangfald. Samstundes vil vi gjere merksam på at kommunen generelt ikkje er spesielt godt kartlagt, ettersom førre naturtype-kartlegging vart gjort for snart 20 år sidan. Det er lite artsdata, spesielt om organismar i skog, og vi viser til at naturmangfaldlova § 8 set krav til eit godt kunnskapsnivå.

Det er forbode med partikkelavrenning til vassdrag

Mineralutvinning kan vere forureinande. Forureiningslova slår fast at det er forbode å forureine. Vi føreset at verksemda ikkje har avrenning av partiklar til vassdrag.

Dersom det oppstår mineralavfall må det lagast ein avfallsplan



Kapittel 17 i avfallsforskrifta handlar om handtering av mineralavfall. Viss verksemda produserer mineralavfall må det utarbeidast ein avfallsplan, som skal godkjennast av Fylkesmannen.

Knuseverk er regulert i forureiningsforskrifta

I vedlegga til høyringsdokumenta går det fram at det vert brukt mobile knusarar til grov- og finknusing. For knuseverket gjeld kapittel 30 i forureiningsforskrifta om forureining frå produksjon av pukk, grus, sand og singel. Kapittelet set krav til utslepp til vatn, støy og støv. Fylkesmannen skal ha melding om knuseverk i god tid før oppstart. Det er eit eige skjema på våre nettsider som kan nyttast som meldeskjema.»

DMF sine kommentarer:

DMF tar høyringsfråsegnene til etterretning og forutsetter at tiltakshavar setter seg inn i og følgjer gjeldende regelverk.

Norges vassdrags- og energidirektorat:

NVE har i sin uttale vist til at:

Vi viser til dykkar brev av 19.05.2020 der det m.a. går fram at;

«Arealbruk er regulert gjennom plan- og bygningslova der kommunen er forvaltingsmyndigheit. Fråsegner knytte til dei arealdisponeringane kommunen har vedteke (arealplan, reguleringsplan og eventuell dispensasjon frå reguleringsplan), legg vi derfor ikkje vekt på i vurderinga vår».

Med bakgrunn i dette, og underføresetnad av at arealbruken er i samsvar med vedtekne planar og det er gjennomført ein føregåande planprosess der NVE er gitt høve til å medverke, har vi ikkje ytterlegare kommentarar til saka.»

DMF sine kommentarer:

Uttalelsen er tatt til etterretning.

5. DMF si vurdering

Føremålet til minerallova er å fremje og sikre samfunnsmessig forsvarleg forvaltning og bruk av mineralressursane i samsvar med prinsippet om ei berekraftig utvikling.

Etter minerallova § 43 er det krav om driftskonsesjon frå DMF for samla uttak av mineralførekomst på meir enn 10 000 m³ masse og for alt uttak av naturstein. Berre den som har utvinningsrett kan få driftskonsesjon.

Konsesjonssøknader går gjennom ei skjønsmessig prøving før det blir avgjort om det skal gjevast driftskonsesjon. I vurderinga av om det skal gjevast driftskonsesjon skal det leggast vekt på om søkjaren er "skikka" til å utvinne førekomsten. Dette inneber at ein skal leggje vekt på om prosjektet ser ut til å vere økonomisk gjennomførbart, om det blir lagt opp til bergfagleg forsvarleg drift, og om søkjaren har tilstrekkeleg kompetanse til å drive førekomsten. I vurderinga av om det skal gjevast driftskonsesjon skal det òg leggast vekt på omsyna som er nemnde i minerallova § 2.



DMF kan fastsette vilkår for ein driftskonsesjon. Når DMF avgjer kva vilkår som skal stillast, vurderer direktoratet mange av dei same omsyna som er relevante for vurderinga av om det skal gjevast konsesjon.

DMF har vurdert konsesjonssøknaden slik:

5.1 Utvinningsrett

Mineralførekomsten som skal utvinnast tilhøyrer kategorien mineral som grunneigaren eig. Tiltakshavaren er sjølv grunneigar for konsesjonsområdet. Etter grunnboka er Tiltakshavaren heimelshavar til eigedomen der konsesjonsområdet ligg. Etter DMF si vurdering har Tiltakshavaren utvinningsrett til førekomsten.

5.2 Tiltakets arealmessige status

Konsesjonsområdet har eit areal på kring 32 daa og går fram av kart med namn «konsesjonsområde Andenes masseuttak i Gloppen kommune», datert 10. mars 2020, vedlegg 5. Etter reguleringsplan for masseuttak på Vereide, korrigert 26. november 2007, er området regulert til masseuttak.

5.3 Økonomien i prosjektet

DMF har vurdert årsrekneskapen med styret si årsmelding og notar for dei siste 2 åra. På grunnlag av opplysningane som er gjevne vurderer DMF bedrifta som økonomisk skikka.

5.4 Driftsplan

For å sikre at kravet om bergfagleg forsvarleg drift blir oppfylt, finn DMF grunn til å ta inn i konsesjonen eit vilkår om at drifta til ei kvar tid skal gå føre seg i samsvar med ein driftsplan godkjend av DMF.

Driftsplanen skal vere eit styringsverktøy for Tiltakshavaren i gjennomføringa av uttaket, og eit referansedokument i samband med DMF sine tilsyn.

I samband med søknaden har Tiltakshavaren lagt fram eit framlegg til driftsplan for uttaket.

Framlegget til driftsplan omfattar heile driftsperioden og avsluttinga av steinbrotet. Skildringa og kart- og snitteikningar presenterer den planlagde brytinga av førekomsten innanfor arealet på 32 dekar som søknaden gjeld. Det totale volumet fast fjell som skal takast ut er estimert til 850 000 m³. Det årlege uttaket vil variere med marknaden, men det planlagde uttaket per år er 15 000 faste m³. Det er planlagt drift i 5 etappar. Utdrivne område som ikkje trengst i den vidare drifta, skal setjast i stand fortløpande. Det blir òg presentert ein plan for sikring og avslutting. Planen er å føre brotområdet tilbake til LNF-område.

Etter DMF si vurdering kan den vedlagde versjonen av driftsplan for Andenes masseuttak godkjennast. Ein finn at planen tilfredsstillir dei krava som DMF stiller til driftsplanar, og etter DMF si vurdering legg planen opp til bergfagleg forsvarleg drift.

Dersom det under drifta oppstår nye situasjonar eller andre endringar i føresetnadene for drifta, til dømes geologiske og kvalitetsmessige variasjonar, bør det likevel på visse vilkår kunne opnast for å gjere endringar og tilpassingar i planen. Dersom



Tiltakshavaren ønsker å gjøre vesentlige avvik fra driftsplanen, skal DMF godkjenne dette på førehand.

Underveis i drifta kan DMF få bruk for oppdaterte kart og snitt som dokumenterer den noverande situasjonen i uttaksområdet og status i høve til den godkjende driftsplanen. Det blir derfor teke inn som eit vilkår i konsesjonen at DMF kan krevje at Tiltakshavaren gjer ny oppmåling og at ajourførte kart og profiler skal sendast inn når DMF finn det nødvendig.

5.5. Bergfagleg forsvarleg drift

Kravet om at drifta til ei kvar tid skal gå føre seg på ein bergfagleg forsvarleg måte inneber at aktiviteten må vere i samsvar med tilfredsstillande faglege standardar for denne typen verksemd.

Etter DMF si vurdering er den føreslegne driftsplanen for uttaket bergfagleg forsvarleg. Ved vurderinga har DMF lagt vekt på driftsplanen for uttaket.

5.6. Søkjaren sin kompetanse for drift av førekomsten

I vurderinga av om søkjaren har tilstrekkeleg kompetanse er det den totale kompetansen som søkjaren har tilgang til som skal vurderast opp mot kravet om å vere skikka.

Etter forskrift til minerallova § 3-1 skal alle uttak av mineralske ressursar ha ein bergteknisk ansvarleg.

Tiltakshavaren har i søknaden gjeve opp Helge Olav Nedrebø som bergteknisk ansvarleg for uttaket. Personen er registrert hos DMF som bergteknisk ansvarleg for uttaket og oppfyller kvalifikasjonskrava i forskrifta.

Etter DMF si vurdering har Tiltakshavaren tilstrekkeleg kompetanse til å drive førekomsten.

5.7 Dei miljømessige konsekvensane av utvinning

I vurderinga av om det skal gjevast driftskonsesjon skal det leggjast vekt på omsynet til miljøet og kulturminne.

Det finst ein reguleringsplan for uttaket.

Biologisk mangfald – naturmangfaldlova

Naturmangfaldlova § 7 pålegg alle offentlege instansar som tek avgjerder som påverkar naturen å vurdere planlagde tiltak opp mot prinsippa i naturmangfaldlova §§ 8–12. Reguleringsplanen, høyringsfråsegner og eigne søk i Naturbase og Artskart (gjennomført i mars 2020) er lagde til grunn for vurderingane etter naturmangfaldlova i DMF si handsaming av søknaden. DMF reknar kunnskapsgrunnlaget etter naturmangfaldlova § 8 for å vere tilstrekkeleg til at det kan fattast vedtak i saka. Førevar-prinsippet i naturmangfaldlova § 9 gjeld såleis ikkje.

Det er i vurderingsgrunnlaget ikkje kome frem opplysningar som tyder på at uttaket vil kome i konflikt med naturverdier i området. DMF anser at kunnskapskravet i naturmangfaldlova § 8 er oppfylt. I og med at naturmangfald i liten grad berøres av uttaket og det ikkje kan påvises effekter av tiltaket på truet, nær truet eller verdifull



natur, legg DMF til grunn at det ikkje er nødvendig å foreta ytterligere vurderinger etter miljøprinsippene i naturmangfaldloven §§ 9-12.

5.8. Tilhøvet til omgjevnadene og dei nærliggjande områda under drift

Mineralressursane skal forvaltast og brukast på ein måte som tek omsyn til omgjevnadene og dei nærliggjande områda under drift. Det er difor viktig at drivaren gjennomfører nødvendige sikringstiltak for å unngå skadar på eigedom, menneske og dyr.

Tiltakshavar opplyser at adkomstvegen er sikra med bom, og at brotvegger er sikra med gjerde. Fjellet drives ut i paller fra 4-12 meters høgde, og renskast fortløpande med pigghammer.

DMF har kome til at dette ikkje er avgjerande moment som talar mot å innvilge konsesjon.

5.9. Kva tiltaket vil ha å seie for verdiskaping og næringsutvikling

Førekosten det er søkt om driftskonsesjon for fell inn under råstoffgrupperinga sand, grus, pukk og leire (byggjeråstoff). Råstoffet blir brukt i produkt som det moderne samfunnet er heilt avhengig av og som blir brukte i bygg, vegar og anlegg.

Ifølgje tiltakshavar er ressursen ein kvartsittskifer av god kvalitet til murestein. Overskotsmassar går til pukk og grus.

5.10. Langsiktig planlegging for etterbruk eller tilbakeføring av området

Tiltakshavar opplyser at uttaket blir istandsatt fortløpande. Pigghammer vert brukt til å ta ting som ser farleg ut i brotveggen. Avslutta brotvegg er planlagt avtrappa med paller på om lag 10-12 meters høgde. Ved avslutta kantar mot sør og til slutt i aust vert det lagt opp over litt masse frå avdekkinga til etablering av vegetasjon. Endeleg brotvegg sikrast med permanent gjerde. Etterbruk av området som i reguleringsplan tilbakeføring til LNF når dette er mogleg.

Etter DMF si vurdering er dei planane som finst for etterbruk eller tilbakeføring tilfredsstillande, og såleis ikkje noko avgjerande moment som talar mot å gje konsesjon.

5.11 Økonomisk sikkerheit

I søknaden om driftskonsesjon har Tiltakshavaren, i samsvar med forskrift til minerallova § 2-1, gjort framlegg til korleis sikkerheit kan stillast. DMF fastset dei endelege krava til sikkerheit.

Tiltakshavar føreslår å stille ei økonomisk garanti for sikring og opprydding pålydande kr 140 000.

5.11.1. Pålegg om å stille økonomisk sikkerheit og vurdering av kor stor sikkerheita skal vere

Etter DMF si vurdering er Tiltakshavaren sitt framlegg til kor stor sikkerheita skal vere ikkje tilfredsstillande. Etter forskrift til minerallova § 2-1 tredje ledd skal den økonomiske sikkerheita vere tilstrekkeleg til å dekkje Tiltakshavaren si sikrings- og oppryddingsplikt.



Etter ei konkret vurdering av tiltaket finn DMF at Tiltakshavaren skal påleggjast å stille finansiell sikkerheit på NOK 700 000 for å sikre at nødvendige sikrings- og oppryddingstiltak blir gjennomførte etter minerallova §§ 49 og 50, jf. minerallova § 51. I vurderinga av kor stor sikkerheit som skal krevjast har DMF lagt vekt på sine egne erfaringstal for tilsvarande uttak, med tillegg for eksterne og uventa kostnader.

5.11.2. Form for sikkerheit

Det skal stillast sikkerheit i ei slik form at den ikkje vil gå inn i konkursbuet i tilfelle konkurs hos Tiltakshavaren, jf. forskrift til minerallova § 2-1 tredje ledd.

Etter DMF si vurdering vil det vere føremålstenleg at den økonomiske sikkerheita blir stilt ved bankgaranti og individuell fondsavsetjing til ein bankkonto som det etter ein eigen avtale om finansiell sikkerheit skal etablerast pant i til fordel for DMF, jf. pantelova §§ 4-4 til 4-6. Tiltakshavaren skal ikkje ha råderett over denne bankkontoen, som skal vere sperra til fordel for DMF.

Bankgaranti – oppstartsfasen

DMF vurderer det som naudsynt at Tiltakshavaren, innan 2 månader etter datoen då konsesjonsvedtaket blei gjort, stiller ein bankgaranti som DMF vurderer som tilfredsstillande som påkravgaranti for eit beløp på NOK 300 000. Dette er naudsynt for å ha tilstrekkeleg sikkerheit i oppstartfasen før fondet har nådd maksimal avsetjing. Storleiken på bankgarantien er fastsett på grunnlag av ei vurdering av kva som blir rekna for å vere tilstrekkeleg sikkerheit i denne fasen.

DMF kan fremje krav i høve til bankgarantien i desse tilfella:

- (i) Etter utløpet av Tiltakshavaren sin frist for å utføre naudsynte sikrings- og oppryddingstiltak som DMF godtek;
- (ii) Ved konkurs, opphøyr eller anna avvikling av Tiltakshavaren si verksemd; og
- (iii) Dersom konsesjonen blir trekt attende.

Ved melding til garantisten om at eitt av tilfella nemnde i punkt (i)–(iii) over har oppstått, skal DMF ha rett til å få utbetalt det kravet som blir gjort gjeldande etter bankgarantien, utan omsyn til motsegner frå Tiltakshavaren. Bankgarantien skal stå ved lag så lenge beløpet som står på bankkontoen ikkje har nådd NOK 300 000. Når beløpet på bankkontoen har nådd NOK 300 000, eller tidlegare etter skriftleg samtykkje frå DMF, fell plikta til bankgaranti bort.

Individuell avsetjing, avsetjingsperiode og storleiken på avsetjinga

Deretter skal Tiltakshavaren setje inn midlar på bankkontoen årleg fram til totalbeløpet på NOK 700 000 er nådd. Dei årlege innskota blir rekna ut etterskotsvis på grunnlag av masseuttaket året før. Det skal betalast inn NOK 1,17 årleg per tonn utteken masse.

Ved fastsetjinga av satsen per tonn utteken masse har DMF lagt til grunn at fondet skal byggjast opp over ein periode på 20 år, det vil seie NOK 35 000 per år. I søknaden er det rekna med eit uttak på 15 000 m³/år, tilsvarande om lag 30 000 tonn/år, noko som gjev ei årleg avsetjing på NOK 1,17 per tonn.



Innbetalinga for masseuttaket må vere avsett innan 1. februar året etter.

5.11.3. Rapportering og dokumentasjon

Beløpet som står på kontoen skal dokumenterast årleg ved å gje DMF tilgjenge til ei oppdatert kontoutskrift. All avkasting på midlane skal godskrivast kontoen.

I tillegg finn DMF det naudsynt at Tiltakshavaren undervegs i drifta vurderer om den sikkerheita som er stilt er tilstrekkeleg til å dekkje kostnadene til sikrings- og oppryddingstiltak og gjev DMF tilbakemeldingar om dette. Dersom den fastsette driftsperioden for uttaket blir endra eller det skjer andre vesentlege endringar i driftsplanen, skal DMF informerast umiddelbart. Elles skal tiltakshavaren kvart femte år gjere ei ny vurdering av om sikkerheita er tilstrekkeleg. Når vurderinga er gjord, skal tiltakshavaren utarbeide ein rapport og sende den til DMF utan grunnlaust opphald.

DMF kan òg ha behov for meir rapportering og dokumentering enn det som er skildra over, og finn det difor naudsynt å påleggje Tiltakshavaren plikter i så måte i konsesjonsvilkåra.

5.11.4. Justering av sikkerheita

Etter forskrift til minerallova § 2-2 første ledd andre punktum kan DMF gjere vedtak om endring av storleiken på avsetjinga, inkludert dei årlege innbetalingane frå Tiltakshavaren, og tidspunktet for innbetaling. Slike endringar kan òg gjerast når som helst ved endringar i minerallova og andre relevante lover, forskrifter og vedtak.

6. Kor lenge driftskonsesjonen gjeld

Driftskonsesjonen kan reviderast etter 10 år.

Driftskonsesjonen fell bort dersom drift ikkje er starta opp seinast fem år etter at konsesjonen er gitt. Det same gjeld dersom drifta blir innstilt i meir enn eitt år. Det kan søkjast til DMF om å forlengje desse fristane. Driftskonsesjonen fell òg bort dersom:

- utvinningsretten for statens mineral blir sletta
- avtalen om rett til å utnytte førekomst av grunneigars mineral går ut
- skjønn ikkje er kravd innan eitt år etter at ekspropriasjonsløyve er gitt etter minerallova § 37 andre ledd bokstav a

Driftskonsesjonen kan ikkje overdragast. Det gjeld òg ved overdraging av utvinningsretten.

7. Plikter for tiltakshavaren

Tiltakshavaren har rettar og plikter som følgjer av minerallova med forskrifter.

Meldeplikt ved oppstart og stans av drift

Seinast éi veke før oppstart av drifta skal tiltakshavaren sende melding til DMF. Tiltakshavaren skal òg sende melding til DMF før drifta mellombels blir stansa eller lagd ned i medhald av minerallova § 44.

Drifta skal utførast med varsemnd

Drifta skal utførast med varsemnd, slik at skadane ikkje blir større enn nødvendig. Etter minerallova § 48 skal arbeida heller ikkje føre til unødig forureining eller skade på miljøet.



Forsvarleg sikring og opprydding

Området skal sikrast slik at arbeidet ikkje medfører fare for menneske, husdyr eller tamrein. Etter minerallova § 49 omfattar sikringsplikta òg gruveopningar, tippar og utlagde massar på område som er knytte til konsesjonsområdet.

Etter minerallova § 50 skal området vere forsvarleg rydda mens arbeida går for seg. Etter minerallova §§ 49 og 50 skal området vere forsvarleg rydda og varig sikra etter at arbeida er avslutta. DMF kan fastsetje ein frist for når oppryddinga skal vere avslutta.

Ansvar til bergteknisk ansvarleg

Bergteknisk ansvarleg har eit særskilt ansvar for å sjå til

- at drifta er teknisk forsvarleg og tek omsyn til arbeidstakarar, nærliggjande bygningar og omgivnadene elles
- at førekomsten blir avbygd på ein berekraftig måte
- at drifta til kvar tid er i samsvar med ein ajourført og godkjend driftsplan

8. Rett til å klage

Partane i saka og andre med rettsleg klageinteresse kan klage på vedtaket i samsvar med reglane i forvaltingslova kapittel VI.

Fristen for å klage er tre veker etter at de har fått dette brevet. Klagen skal sendast til DMF for ny vurdering. Dersom DMF ikkje finn grunn til å gjere om vedtaket, sender vi klagen til Nærings- og fiskeridepartementet, som gjer endeleg vedtak i saka. I klagen må de gjere greie for kva de klagar på, og kvifor, og de må foreslå endringar.

Vennlig hilsen

Maria Lauritzen
seksjonssjef

Lena Røst Tonning
rådgiver

Dokumentet er elektronisk signert og har derfor ikke håndskrevne signaturer.
Saksbehandler: Lena Røst Tonning

Vedlegg:

Vedlegg 1_avtale om finansiell sikkerhetsstillelse

Vedlegg 2_pantsettelseserklæring

Vedlegg 3_påkravgaranti

Vedlegg 4_godkjent driftsplan



Vedlegg 5_godkjent konsesjonsområde

Mottakere:

Helge Olav Nedrebø (enkeltpersonforetak)	Andenes	6821 SANDANE
---	---------	--------------

Kopi til:

Gloppen kommune	Grandavegen 9	6823 SANDANE
Statens vegvesen Region vest	Postboks 43	6861 LEIKANGER
Fylkesmannen i Vestland	Njøsavegen 2	6863 LEIKANGER
Norges vassdrags- og energidirektorat Region vest	Naustdalsvegen 1B	6800 FØRDE
Statnett SF	Postboks 4904 Nydalen	0423 OSLO
Vestland fylkeskommune	Postboks 7900	5020 BERGEN